

著名學文國中

蘭 閨 恨

著 亞 枕 徐



中國文學名著

蘭閨恨

蘭 閨 恨

中華民國廿五年十月重版

有 著 作 權
不 准 翻 印

定價減低 實售國幣一角八分

外埠遠近酌加郵遞費

著 者 徐 枕 亞

出 版 者 中 原 書 局

上海河南路交通路七九號

發 行 者 中 原 書 局

外埠經售處 錦 章 書 局

北平 廣州 長沙
成都 漢口 各埠

總經售處 錦 章 書 局

上海棋盤街

附 告

本局素以闡揚文化。普及教育爲職志。所編新舊文學書籍。與學生作文用書。以及字典辭典等。內容充實。印刷鮮明。無不力求適時。確合現代青年參考之用。卽古本小說。亦繪圖精美。編幅完整。其他醫卜星相。經史子集。專門各書。尤校刊周到。板本精良。與衆不同。早爲士林所贊許。茲更貶值售實。藉輕讀者負擔。僅出低廉之代價。可獲優美之圖書。此敝局提倡文化。輔導社會之微忱也。凡我 各界人士。幸垂察焉。

本局謹識

慨自嘸風泣月多增客子之愁握雨攜雲濫演秘辛之記話紅顏之薄命浪逐桃飛笑
青眼之迎人路隨柳折往往鈿難再合鏡不重圓佳人隨吒利而歸侯門斷蕭郎之迹
甚或蘭摧玉折香不返魂水遠山遙書將寄恨人生缺陷似此偏多我輩情懷又將誰
遣翳古以來不勝紀已陳子韜園獨能脫前人之窠臼成絕世之文章撫舊事而重題
數良緣兮非偶悲歡無限各寫牢愁離合何心終圓美滿時則名花誰主飄來藩溷之
場落葉焉媒流出御溝之水鳳凰交和果合雌雄鸛鵲相依不離形影倚玉臺而賭詠
罰金谷以買懽果然擡舉東風融成鴛夢不道別離南浦唱出驪歌此一恨也幸而細
馬同馱春鷗互聽水郭山村之地酒旗茶鼓之天客裏光陰自饒風景閒中歲月祇話
家常詎勝會之不時蟾蜍圓缺竟狂威之相逼勞燕東西此又一恨也泊乎婆娑檀樹
謬欲踰牆消息梅花姑將寄遠暮雨圓扉之路曉風鈴柝之聲處如許之淒涼畢竟爲
耶顚頓痛無情之摧折肯教隨俗浮沉人本可憐天胡此醉此又一恨也卒也紅絲舊

約。都。付。冰。人。碧。玉。韶。年。許。偕。嘉。耦。望。湖。邊。之。煙。雨。蔭。到。椿。枝。聽。江。上。之。琵琶。迎。來。桃。葉。
六。珈。輝。耀。雙。璧。清。華。是。足。增。家。乘。之。光。食。女。貞。之。報。矣。於。戲。同。是。有。情。人。到。此。都。成。眷。
屬。爲。留。無。限。事。不。妨。再。問。因。緣。丁。巳。莫。春。雲。間。東。訥。

蘭閨恨目錄

悼亡

證夢

紀遊

攬勝

投店

閨車

遇美

訴懷

定情

泣別

借轄

訂盟

謀劫

遇盜

分金

訪豔

露機

謁守

鞠冤

通訊

定案

主婚

釀賀

還鄉

哀情
小說
蘭閨恨

第一章 悼亡

天長地久。唐宮長恨之歌。室邇人遐。楚客相思之夢。本來幻境。祇隔天人。旣入情場。已成傀儡。咫尺蓬山。渺何處千年華表。忽歸來。亦可悟離合悲歡之故矣。英雄淚熱兒女愁。多絮果蘭因。此生彼滅。碧翁之構造。有步步引人入勝者。

春滿長安。杏花紅。鬧山迎水。送露宿風。餐正計偕。諸君子北上時也。清季不綱。聯軍深入。宮庭出狩。倉猝而西。迨請盟訂約後。僉以首都肇釁。停止觀場。然大典掄才。勢難展緩。廷臣紛紛借箸。議請暫假汴闈。蓋河南居天下之中。車水馬龍。儘堪輻輳。詔書一紙。海內風行。而襍被來燕者。盡易遊梁之轍矣。

懷宮林氏。素號望族。有仲堪孝廉者。璧人也。鞠於舅姪。故冠姓爲沈文忠。文肅夫固世。通鑒者。仲堪負幼慧之目。成童卽青一衿。冠玉爭譽。車果咸滿。仲堪歲。自守雅不。

欲。作。無。謂。之。周。旋。舅。氏。亦。宿。儒。朝。夕。督。之。讀。不。特。秦。樓。楚。館。未。許。問。津。卽。親。串。中。姊。妹。行。亦。相。見。一。揖。赧。然。而。退。舅。氏。擇。配。嚴。弱。冠。尙。未。獲。佳。耦。每。對。仲。堪。曰。大。丈。夫。當。乘。長。風。破。萬。里。浪。戀。戀。於。家。室。奚。爲。哉。姪。氏。望。孫。切。乃。爲。聘。阮。氏。婦。房。中。樺。燭。廚。下。羹。湯。戚。鄒。都。道。新。婦。賢。仲。堪。尤。顧。而。樂。之。畫。眉。韻。事。福。慧。雙。脩。雖。比。翼。鳥。連。理。枝。不。翅。矣。逾。數。年。仲。堪。齒。二。十。五。一。鬢。聲。雋。屢。壓。同。曹。督。學。者。檄。舉。優。行。而。庭。前。桂。馥。市。上。槐。忙。名。士。渡。江。其。多。如。讎。是。棘。闈。鑒。戰。時。也。仲。堪。與。阮。夫。人。婚。後。無。數。日。別。至。此。書。囊。劍。匣。買。棹。入。城。會。約。月。圓。花。好。壻。水。當。泛。歸。槎。耳。蓮。影。照。廊。葉。聲。下。筆。場。事。告。畢。卽。匆。匆。束。裝。返。舅。氏。趣。索。文。稿。且。讀。且。贊。謂。姪。氏。曰。吾。家。千。里。駒。何。患。不。破。壁。飛。去。耶。阮。夫。人。杯。酒。洗。塵。囁。囁。話。浹。旬。間。事。詎。意。牛。女。兩。宿。僅。此。一。宵。嚮。晨。知。優。試。有。期。午。飮。後。急。摒。擋。而。去。驪。歌。將。唱。行。李。在。庭。雙。淚。君。前。一。聲。河。滿。曾。幾。何。時。而。鳴。鹿。吹。笙。旋。復。分。鸞。碎。鏡。哉。他。人。如。此。仲。堪。何。堪。亦。造。物。之。狡。獪。弄。人。而。已。

仲堪當啓行之日。阮夫人以功名念重。諱莫如深。其實心。比梅酸。骨如柴。瘦病與秋俱。

深矣。仲堪雖閨房靜好，以爲白頭相對。且俟將來晨起，臨窗夜闌，伏案阮夫人方憐惜不遑，何忍再以疾告。然知仲堪非池中物，恐薄命人不能久。偶而縫紉麻桌，洗滌蘋蘩，猶是未敢云勞也。矧氏與阮夫人本中表姑姪，商飭倏起。矧氏肺病，轉劇藥鑪，茶竈勉自支持。龍媪鴉鬟，殊不足代勞。一二展衾進菽，偎枕加餐，斗轉參橫，尙蹀躞往來不已。矧氏離牀而阮夫人已不勝顛顛矣。滿城風雨，逼近重陽。仲堪之泥金帖子至，阮夫人謂矧氏曰：「兒心慰，兒目瞑，不識卿卿我我，猶能一訣否？」矧氏愛阮夫人甚，潛以急電馳仲堪所。

仲堪始以優行貢成均，及榜發，果獲魁選。簪花歸去，酒已微曛。寓主人出一電相示，譯未竟而淚涔涔下。呼僮掃榻，命僕檢書告以辨色，卽發是電。卽矧氏促整歸轡者，兼程並進。薄暮已至，舅氏方集客小飲。仲堪寒暄數語，闖入中閨，但見寂寂闌干，沈沈簾幕。三五傭媼秉燭相守已耳。時阮母亦在女所，見仲堪至，喜從天降。卽褰幃呼阮夫人，羅薄上鉤紗，輕映幔。阮夫人僅露半面。仲堪已不知涕之何從。及覩仲堪，卽顫聲曰：「郎貴。」

矣。儂不起矣。鮫珠承睫。盈盈欲墮。阮母曰。郎來伴汝。當可速痊。毋自苦也。阮夫人曰。郎年少。翁姑均七十。且又新得第。儂復無所出。速續理也。願郎於年年寒食。嚮我一盂麥飴。心已足矣。弗以一婦人故。自墮壯志。言次。氣已不相屬。仲堪哽咽。不知所云。傭媼以一甌進。仲堪親試冷暖。爲承於口。阮夫人遽遽似睡矣。蠶絲待盡。蠟炬欲乾。兩朶紅霞。遽飛上頰。阮母知不可爲。急遣婢呼姪氏至。而阮夫人已醒。索茗盃者再。

飛螢坐衣。啼鷓鴣。叫屋滿座。燈火黯然。作青綠色。阮夫人輕嗽微喘。命比懸絲。姪氏與阮母均涕不可仰。仲堪則雙目炯炯。呆若木雞。時而向壁虛咭。時而咄咄書空。阮母旣痛若女。又憐若壻。龍鍾白髮。危坐於湘妃榻前。手理紫絨花毯。囑小婢平鋪榻上。低聲呼仲堪。假寐。仲堪以積日勞頓。飽受風霜。又復受此激刺。亦悲亦痛。魂靈兒早飛向半天去也。雖阮母一再相喚。仲堪若未之前聞。迨小婢牽其衣袂。始覺有無限感觸。力隨心潮起。落靨鏡灰。白瓶花血碧。凡粧臺上所陳諸物。都現一種可憐之色。而回顧阮夫人。欲唾無力。搵之以巾。因痰有聲。欹之以枕。仲堪注視未久。忽聞阮夫人顫呼曰。郎來。仲

堪如積霧沈霾一聲霹靂輕步床畔。僂問所苦。阮夫人乃作最後之哀聲曰。郎自珍重。又對阮母曰。郎在如儂。在香消玉殞。轉瞬都非。阮母大哭失聲。而阮夫人猶握仲堪之腕不釋。

姁氏夙愛阮夫人。至此乃奔告其夫。沈老強揩醉眼。蹀躞窗外。促家人籌備後事。時正十月朔旦也。婢媼覆衾撤帳。循種種俗例。楊枝灑水。柏葉薰香。仲堪點點淚痕濕透。阮夫人和服。姁氏婉言相勸。則泣聲益悲。且壯。沈老知仲堪痛極。不得不使之警覺。乃曰。仲堪。汝欲殉妻耶。兩姓香煙。繫汝一綫。果爲情死。我輩如何。速自節哀。毋令逝者魂魄不安也。仲堪夙囑於沈老。稍一離榻。而風裳水佩已成。蛻化之身。寸燭瓣香。難解鵲啼之痛。桐棺數尺。纏帷一懸。天上人間。相期何日。姁氏乃爲仲堪移楊書齋。以解鰥緒。弔者在門。賀者在室。阮夫人飾終如禮。沈老仍料量各事。以鹿鳴宴觴戚鄰。鄉里間紛。紛餽贐。謂新貴。瞬且辭行。著祖生先鞭去矣。仲堪稟承嚴命。祇得強與周旋。從前傅粉何郎。已不覺丰姿減損。幸俗冗少息。得以自遣。窗紙風裂。爐火煙沈。翠被不溫。紅燈如

粟此情。此景雖鐵石人亦應墮淚。回憶文鴛。葉底彩鳳。花前嚙橄欖。而回甘。醉葡萄。而忘倦。其哀樂爲何如耶。仲堪於暇時枯坐。輒入房檢點遺篋。脂粉殘脂。斷釵零珥。無一不觸人悲思。卽女兒箱所儲衣物。皆歷年停辛茹苦。次第製成者。愧非漢武李夫人有再見之時。除是鴻都楊太真得成仙之信已矣。已矣。不堪回首矣。

仲堪詩名噪甚。本有下筆千言之概。感時述事。攬勝紀遊。無不託之於詩。馬工枚速。實足以壓倒元白。然自阮夫人一別。哀感微之神傷。奉倩忽忽盈月。未嘗搦管成一字。偶欲賦悼亡數語。輒如羣馬紛奔。萬箭攢刺。不知從何處說起。塵封硯匣。淚漬墨花。已爾許時矣。偶於舊枕函中。逐一開視。零紈碎錦。手澤如新。最後一紙。有詩數章。乃阮夫人病中作也。仲堪急檢而讀之。詩曰。

西風無恙掛秋帆。山峙雙峰水一函。昨夜輕寒新入戶。可曾涼露溼征衫。
料是三椽賃屋居。縱橫一榻亂攤書。奚奴那解殷勤意。酒榼茶鐺恁自如。
黃卷青燈味妙回。苦吟不顧漏聲催。祇愁燭燼香殘後。誰爲荀郎熨體來。

小挈書囊力已微。多如潮湧捷如飛。不堪預渡長江去。親送君家到瑯闈。
情生文耶。文生情耶。此阮夫人憶外四絕已曲寫客中况味矣。仲堪讀竟乃大呼曰。功名誤我。我負夫人矣。夫人何哀而不怨。仍若體恤倍至。忘其身有病中者。斯時我倘在側。夫人或可不死。乃爭此蟻蝨折我鴛鴦。雖此後騰達可期。亦不足彌此缺恨。攜詩出戶。至靈幃前。爇香少許。嚶嚶祝私語不置。

第二章 證夢

紙錢。蝴蝶。血淚。杜鵑。仲堪悲不自勝。乃凭棺一禱。冀慰死者。然其語固諱莫如深。未肯爲外人道也。一慟之後。回齋兀坐。急欲設策以遣愁魔。而四壁圖書。兩行琴劍。徒自增人惆悵。呼僮煮酒。聊以自娛。蓋拚却玉山頽倒。領略醉鄉風味也。郇廚舊品。隨園食單。肴核雜陳。皆姁氏親調。以供仲堪者。仲堪對燈獨酌。如羈客如枯禪。顧影自憐。澆愁未許。正出遺稿反覆吟誦。而小僮忽擎簾而報曰。主人至。

沈老夙不與家人生產事。而名心未死。頗思借仲堪以吐骯髒之氣。一樽晚飲。片席閒。

談。謂。八。閩。趨。梁。非。累。月。經。旬。不。可。若。由。海。道。當。鼓。輪。入。浙。越。甬。而。滬。否。則。亦。需。從。衢。嚴。下。岸。小。泊。於。錢。塘。江。上。也。海。道。波。濤。洶。涌。坐。臥。不。寧。不。如。借。一。輦。之。杭。逕。赴。虎。林。其。中。山。迎。水。送。酒。熟。魚。肥。頗。堪。領。略。風。景。而。子。陵。高。躅。皋。羽。哀。思。兩。臺。實。遙。遙。相。對。船。內。起居。飲。食。亦。頗。適。意。卽。杭。州。之。六。橋。三。竺。亦。非。尋。常。屐。齒。所。到。者。句。留。數。日。再。議。渡。申。至。漢。漢。有。汽。車。已。抵。汴。屬。之。信。陽。州。距。省。垣。不。千。里。耳。鷄。聲。茅。店。人。迹。板。橋。此。亦。行。旅。者。所。難。免。會。看。他。日。衣。錦。歸。又。焉。能。逃。此。僕。僕。哉。言。訖。顧。仲。堪。而。笑。仲。堪。曰。雪。往。柳。來。征。人。恨。事。兒。且。俟。春。融。冰。泮。再。圖。後。舉。今。纔。歲。莫。何。急。急。焉。

仲。堪。此。言。在。沈。老。亦。深。信。不。疑。而。不。知。仲。堪。實。緩。兵。之。計。也。仲。堪。自。讀。遺。詩。深。悔。以。無。才。薄。命。累。及。玉。人。蝸。角。微。名。鷄。肋。餘。味。此。後。當。一。律。屏。却。以。報。死。者。日。間。之。哭。而。拜。拜。而。禱。者。亦。以。此。意。自。誓。特。爲。知。者。道。難。與。俗。人。言。耳。孰。知。沈。老。刺。刺。不。休。來。相。指。告。老。子。於。此。興。復。不。淺。斷。不。能。掬。肺。腑。以。相。示。姑。待。將。來。或。以。病。辭。或。以。事。阻。決。不。願。軟。紅。十。丈。再。望。冠。蓋。京。華。也。沈。老。不。解。其。意。遂。囑。仲。堪。早。睡。而。去。

雲想衣裳。月歸環珮。飛鸞何處。化鶴都非。阮夫人。亡已月餘矣。沈沈長夜。已離不返之魂。寂寂空幃。未了相思之債。仲堪之讀詩致禱。敝屣名場。亦非阮夫人所願聞者。況其三生石上。別有一番作合。若不暗中勸導。卽舅姪亦莫可如何。翩矣御風。飄然入夢。正仲堪酒餘倦臥時也。銀蟾漏窗。金猊燼鼎。巷寒吠豹。被冷縮蠶。仲堪忽推衣曳履。疾趨至書案前。援筆寫夢記一篇曰。

亡妻阮氏。舍我而去者。四十一日矣。鰥目炯炯。澈夜不睡。卽睡亦不久。而覺衣香鬢影。誰慰我思。十一月十一日。偶得遺詩。益增忉忉。遂願解除。纒鎖閉戶。奉親雖老。父督我起程。亦不過浪遊湖海。一洗胸中之塊壘而已。是夜爲薄醉所中。寢入睡鄉。迷離惘恍之間。覺亡妻已倚我而坐。脩眉不畫。香肩若凭。羊裘鳳裙。妝束猶昔。豈必妃之感。陳思隱現於洛水間耶。抑神女之戀。楚襄往來於巫峽間耶。余以久不得晤。宛轉詢其近狀。亡妻謂我有化身。當在漢汴之交。相待若郎。不遊梁。是棄儂也。郎其勉爲一行。余時雖知其已亡。堅欲請其理由。亡妻曰。緣耳。宜速往。毋悞。毋遲。否則美人。

將歸沙吒利壯士恐無古押衙耳。余再欲有言而已。爲壁上鳴鐘驚醒。履聲襪迹猶依稀可辨。噫。是何言歟。是何理歟。撫其顛末。以免遺忘。是夕四鼓記。

仲堪擲筆而起。擁被復臥。竟不成寐。逾時而東方白矣。暖日相烘。硯冰盡釋。朝霞未散。庭礎已乾。小僮入問曰。公子起何早也。進盥進漱。更進晨餐。仲堪回憶夢情。良深詫歎。不如赴汴一行。以探究。竟或者果有再生緣乎。但此事於舅姑前。宜守秘密。不如商之阮母。藉定行止。易服出門。繞弄而東。卽阮第矣。行行重行行。阮僕方啓門洒掃。忽睹仲堪曰。公子久不至。主母正遣奴相迓也。緣廊入室。狸奴方嚮陽於階下。阮母坐寢室耳。廂爲其女誦經祈冥福。嗟嗟此耳。廂非阮夫人歸寧時下榻地耶。香塵弓印。剩粉爪痕。小影依然。飛仙何處。又增一重傷感矣。阮母見仲堪至。乃曰。女兒有靈哉。公子來何早。姑少坐。容余述昨事。言未出而淚已奪眶。溢。仲堪曰。願母無自苦。婿有事來與母議。願母爲壻一決言次。探懷出夢記。呈於母案。阮母覓鬢鬚讀之。旣畢。顧仲堪曰。昨夜余亦夢女兒。勸公子勿沮遊梁計。故余已囑僕詣府。不料果先期至也。雖難續命。業代通辭。